



სსიპ საქართველოს ტექნიკური უნივერსიტეტის
აკადემიური საბჭო
დადგენილება № 01-05-04/14

ქ. თბილისი

7 თებერვალი 2025წ

**“საქართველოს ტექნიკური უნივერსიტეტის
პროფესიულ სტუდენტთა შეფასების ვერიფიკაციის წესში”
ცვლილებების შეტანის შესახებ**

„უმაღლესი განათლების შესახებ“ საქართველოს კანონის 21-ე მუხლის პირველი პუნქტის, საქართველოს განათლებისა და მეცნიერების მინისტრის 2013 წლის 9 სექტემბრის №133/ნ ბრძანებით დამტკიცებული „საჯარო სამართლის იურიდიული პირის - საქართველოს ტექნიკური უნივერსიტეტის წესდების“ და აკადემიური საბჭოს 2025 წლის 7 თებერვლის № 01-05-02/03 ოქმის საფუძველზე საქართველოს ტექნიკური უნივერსიტეტის აკადემიურმა საბჭომ დაადგინა:

1. საქართველოს ტექნიკური უნივერსიტეტის აკადემიური საბჭოს 2022 წლის 15 ივნისის №01-05-04/70 დადგენილებით დამტკიცებულ „სსიპ - საქართველოს ტექნიკური უნივერსიტეტის პროფესიულ სტუდენტთა შეფასების ვერიფიკაციის წესში“ შეტანილ იქნეს შემდეგი ცვლილებები:

- 1.1 პირველი მუხლის მე-5 პუნქტი ჩამოყალიბდეს შემდეგი რედაქციით:
5. ვერიფიკაციის პროცესის სქემა - პასუხისმგებელი, მონაწილე პირები და ვერიფიკაციის ეტაპები განისაზღვრება დანართი 1-ის შესაბამისად.
- 1.2 მე-2 მუხლის 1-ლი, მე-2, მე-3, მე-4, მე-5, მე-6 და მე-7 პუნქტები ჩამოყალიბდეს შემდეგი რედაქციით:

1. სტუ-ის ფაკულტეტის დეკანი, ფაკულტეტის ხარისხის უზრუნველყოფის სამსახურის ხელმძღვანელის წარდგინებით, საფაკულტეტო ბრძანებით ამტკიცებს ვერიფიკაციის პროცესის ჯგუფს შემდეგი შემადგენლობით: ფაკულტეტის ხარისხის უზრუნველყოფის სამსახურის წარმომადგენელი, ვერიფიკატორი დარგის მიმართულებით, პროფესიული პროგრამის ხელმძღვანელი და/ან პროფესიული მასწავლებელი, პროფესიული სტუდენტი. ჯგუფს ხელმძღვანელობს ფაკულტეტის ხარისხის უზრუნველყოფის სამსახურის ხელმძღვანელი.
2. ფაკულტეტის ხარისხის უზრუნველყოფის სამსახურის ხელმძღვანელი, ვერიფიკაციის ჯგუფის წევრების ჩართულობით, პროგრამაზე სასწავლო პროცესის დაწყებიდან ერთი თვის ვადაში ადგენს ვერიფიკაციის სამოქმედო გეგმას, რომელიც უნდა ითვალისწინებდეს: შეფასებისას გამოყენებული ინსტრუმენტის ვერიფიკაციას, პროცესის ვერიფიკაციას, მტკიცებულებების ვერიფიკაციას.
3. ვერიფიკაციის გეგმა დამტკიცებამდე უნდა შეთანხმდეს სტუ-ის ხარისხის უზრუნველყოფის სამსახურთან.
4. ვერიფიკაციის ჯგუფი ვალდებულია შემუშავებული გეგმის შესაბამისად უზრუნველყოს თავისი ფუნქციების შესრულება, პროგრამის სასწავლო გეგმის მიხედვით მოდულების რაოდენობიდან გამომდინარე, მთელი სასწავლო პერიოდის განმავლობაში.
5. ვერიფიკაციის პროცესის ჯგუფი ვერიფიკაციის დასკვნას წარუდგენს ფაკულტეტის ხარისხის უზრუნველყოფის სამსახურის ხელმძღვანელს, ვერიფიკაციის სამუშაოების დასრულების შემდეგ.
6. ფაკულტეტის ხარისხის უზრუნველყოფის სამსახურის ხელმძღვანელი, ვერიფიკაციის ციკლის დასრულების შემდეგ, განხორციელებული საქმიანობის შესახებ, დეტალურ დასკვნას წარუდგენს ფაკულტეტის დეკანს, სტუ-ის ხარისხის უზრუნველყოფის სამსახურის ხელმძღვანელს და სტუ-ის პროფესიული საგანმანათლებლო პროგრამების ცენტრის უფროსს.
7. ვერიფიკაციის ჯგუფის მუშაობის შედეგები გამოყენებული უნდა იქნას პროფესიული სტუდენტების სასწავლო პროცესის გაუმჯობესებისა და პროგრამების განვითარების მიზნით.

1.3 მე-3 მუხლის 1-ლი და მე-7 პუნქტები ჩამოყალიბდეს შემდეგი რედაქციით:

1. ვერიფიკაციის პროცედურა ხორციელდება შემდეგი მიმართულებებით: შეფასების პროცესში გამოყენებული შეფასების ინსტრუმენტის ვერიფიკაცია, შეფასების პროცესის და მტკიცებულებების ვერიფიკაცია.
7. შეფასების სისტემა სამართლიანი და ობიექტურია, თუ შეფასების პროცესი ორგანიზებულია იმგვარად, რომ ის პროფესიულ სტუდენტს საშუალებას

აძლევს, დაადასტუროს მიღწეული სწავლის შედეგები (მათ შორის, შეფასების დრო, შეფასების გარემო, გამოყენებული მასალები, აღჭურვილობა და სხვა პირობები). ასევე, შეფასებისას ყველა თანაბარ პირობებში არის ჩაყენებული.

1.4 4 მე -4 მუხლის მე 5 პუნქტი ჩამოყალიბდეს შემდეგი რედაქციით:

5. ვერიფიკაციის დროს გამოვლენილი რეკომენდაციების დადგენის შემდეგ ხდება შეჯამებული პოზიციის გაცნობა პროგრამის განხორციელებაში ჩართული და დაწესებულების დაინტერესებული პირებისათვის.

1.5 „სსიპ - საქართველოს ტექნიკური უნივერსიტეტის პროფესიულ სტუდენტთა შეფასების ვერიფიკაციის წესის“ დანართ 1-ს შეეცვალა დასახელება და ეწოდა "სსიპ - საქართველოს ტექნიკური უნივერსიტეტის პროფესიულ სტუდენტთა შეფასების ვერიფიკაციის პროცესის სქემა". მასში შეიცვალა ვერიფიკაციის და ვალიდაციის კონკრეტულ ეტაპებზე და მასში მონაწილე / ინფორმირებაზე პასუხისმგებელ პირთა განსაზღვრის სიმბოლოები.

1.6 „სსიპ - საქართველოს ტექნიკური უნივერსიტეტის პროფესიულ სტუდენტთა შეფასების ვერიფიკაციის წესის“ დანართ 2 - ს შეეცვალა დასახელება და ეწოდა "სსიპ - საქართველოს ტექნიკური უნივერსიტეტის პროფესიულ სტუდენტთა შეფასების ვერიფიკაციის პროცესის დასკვნა".

2. წინამდებარე დადგენილება ძალაში შევიდეს გამოქვეყნებისთანავე;

3. დადგენილება შეიძლება გასაჩივრდეს გამოქვეყნებიდან 1 თვის ვადაში თბილისის საქალაქო სასამართლოში, ადმინისტრაციულ საქმეთა კოლეგიის მეშვეობით, მდებარე ქ. თბილისი, დავით აღმაშენებლის ხეივანი №64.

აკადემიური საბჭოს თავმჯდომარე

დ. გურგენიძე

აკადემიური საბჭოს მდივანი

ი. კუტუბიძე